



## FAQS TXOG KEV TSIM NYOG TAU TXAIS KEV PAB RAU LANTERMAN DEVELOPMENTAL DISABILITIES SERVICES ACT

Cov FAQs no yog los teb cov lus nug dav dav. Yog tias koj muaj lus nug tshwj xeeb rau menyuam yaus lossis ib yam kev txhawj xeeb twg, thov hu rau koj tus neeg saib xyuas koj txooj ntawv nyob hauv cheeb tsam. Yog tias koj xav tau kev pab nrhiav qhov chaw ua hauj lwm no hauv koj cheeb tsam, koj mus nrhiav tau hauv <https://www.dds.ca.gov/rc/listings/>. Muaj lus nug lossis kev txhawj xeeb, email [Questions@dds.ca.gov](mailto:Questions@dds.ca.gov).

### Q1. Kev pab cuam Lanterman Act kev tsim nyog ib ntus yog dab tsi?

A1. Tus me nyuam hnuv nyooq thaum yug los mus rau 5 xyoos tsim nyog tau cov kev pab cuam hauv chaw hauj lwm cheeb tsam yog tias tus menyuam muaj:

1. Ib qho kev xiam oob qhab uas tsis yog lub cev nkaus xwb thiab;
2. Cov kev txwv loj heev hauv lub neej tsawg kawg yog ob yam ntawm kev ua lub neej, raws li tau txiav txim los ntawm lub chaw hauj lwm hauv cheeb tsam thiab raws li qhov tsim nyog rau lub hnuv nyooq ntawm tus menyuam:
  - Kev saib xyuas tus kheej.
  - Kev nkag siab lus thiab hais lus.
  - Kev kawm.
  - Qhov mus taus kev.
  - Kev taw qhia tus kheej.

### Q2. Kuv tus menyuam yuav tsum muaj hnuv nyooq li cas thiaj yuav muaj npe tau kev pab ib ntus los ntawm Lanterman Act?

A2. Thaum yug los mus rau 5 xyoos.

### Q3. Lanterman Act puas yog kev tsim nyog ib ntus txuas ntxiv los ntawm Early Start? Kuv tus menyuam puas tuaj yeem txais cov kev pab cuam tib yam uas lawv tau txais hauv Early Start?

A3. Kev tsim nyog ib ntus tsis yog qhov txuas ntxiv ntawm Early Start. Early Start xaus thaum muaj hnuv nyooq 3 xyoos thiab tsis tuaj yeem txuas ntxiv raws li tsoom fwv thiab lub xeev cov cai thiab kev tswj.

### Q4. Kuv tus menyuam tam sim no nyob rau hauv Early Start. Yuav ua li cas lawv thiaj li tsim nyog tau txais kev pab cuam Lanterman Act?

A4. Hu rau koj tus menyuam tus kws saib xyuas kev pab cuam hais txog kev tsim nyog ib ntus. Pab pawg IFSP yuav siv cov kev ntsuas qhov loj hlob tsis ntev los no lossis cov ntaub ntawv qhab nia los txiav txim siab seb koj tus menyuam puas tsim nyog rau Lanterman Act kev pab cuam ib ntus.

**Q5. Yuav ua li cas yog tias kuv tus menyuam tsis muaj npe rau kev pab cuam Lanterman Act ib ntus?**

A5. Yog tias tsis muaj npe tsim nyog lossis tsis tau txais kev pab cuam, muaj txheej txheem rooj sib hais ncaj ncees los daws qhov kev tsis txaus siab ntawm lub chaw hauj lwm hauv cheeb tsam thiab cov neeg uas thov kev pab rau. Raws li rooj sib hais ncaj ncees, qhov kev tsis txaus siab kuj yog hais txog cov kev pab cuam, kev tsim nyog lossis kev txiav txim siab lossis kev txiav txim twg hauv lub chaw hauj lwm hauv cheeb tsam uas koj tsis pom zoo nrog. Cov txheej txheem rooj sib hais ncaj ncees yuav suav nrog lub rooj sib ntsib, kev sib kho kom haum xeeb, thiab lub rooj sib hais hauv xeev nrog Tus Kws Txiaiv Txim Plaub Ntug. Cov ntaub ntawv hais txog txheej txheem rooj sib hais ncaj ncees, ib daim ntawv qhia thiab cov ntaub ntawv tsim nyog los ua ntaub ntawv thov ib lub rooj sib hais ncaj ncees muaj nyob ntawm koj lub chaw hauj lwm hauv cheeb tsam lossis nrhiav tau ntawm no:

[Fair Hearings Complaint Process - CA Department of Developmental Services](#)

**Q6. Yog tias kuv tus menyuam tau txais kev pom zoo rau kev pab cuam Lanterman Act ib ntus, lawv yuav tau kev pab cuam dab tsi?**

A6. Yog tias tau pom zoo tsim nyog ib ntus, tus menyuam yuav tau txais Lanterman Act Services raws li lawv xav tau. Xav paub ntau ntxiv txog cov kev pab cuam hauv cheeb tsam thiab kev txhawb nqa ces mus ntawm no: [Regional Center Services and Descriptions – CA Department of Developmental Services](#). Yog tias koj tus menyuam muaj hnuv nyoog qis dua 3 xyoos, cov kev pab cuam no yuav ntxiv rau cov kev pab cuam tau txais los ntawm Early Start.

**Q7. Qhov kev pab cuam twg yuav tsim rau kuv tus menyuam uas tau pom tias tsim nyog rau cov kev pab cuam Lanterman Act?**

A7. Yog tias koj tus menyuam muaj hnuv nyoog qis dua 3 xyoos, cov kev pab cuam yuav raug saib xyuas los ntawm Individualized Family Service Plan (IFSP, hom phiaj pab cuam rau ib tse neeg twg). Koj tuaj yeem kawm paub ntxiv txog Qhov Early Start Program rau cov menyuam yaus hnuv nyoog qis dua 3 xyoos, suav nrog cov txheej txheem IFSP ntawm no:

[Early Start: CA Department of Developmental Services](#).

Yog tias koj tus menyuam muaj hnuv nyoog 3-4 xyoos, yuav sau ib phau Individual Program Plan (IPP, hom phiaj pab cuam rau ib tug twg) rau nws. Xav paub ntau ntxiv txog txheej txheem IPP ces mus ntawm no:

[Kev Npaj Rau Tus Kheej: CA Department of Developmental Services](#).

**Q8. Kuv tus menyuam tau tsim nyog txais kev pab cuam hauv lub chaw hauj lwm hauv cheeb tsam raws li kev tsim nyog ib ntus. Lawv puas tseem tsim nyog tso npe thov Medi-Cal cov kev pab cuam los ntawm 1915(c) Home and Community-Based Services (HCBS) Waiver?**

A8. Nws nyob raws tej tug. Ib tug menyuam yuav raug tso npe rau hauv HCBS Waiver yog tias lawv muaj raws li qhov yuav tsum tau muaj kom thiaj tau txais txoj kev pab tu xyuas no, xws li ib yam kev saib xyuas hauv tsev tu neeg lossis qhov txwv nws lub neej vim lawv qhov kev tsis taus, thiab yog tias tus menyuam xav tau ib lossis ntau qhov kev pab cuam ntawd. Piv txwv li, ib tug me nyuam uas muaj 33 feem pua lossis tshaj ntawd uas muaj ob yam loj hlob qeeb kuj suav tias tsim nyog txais qhov kev pab tu xyuas no. Cov ntaub ntawv ntxiv mus saib tau ntawm no:

[https://www.dds.ca.gov/wp-content/uploads/2019/02/HCBS\\_WaiverPrimerPolicy\\_20190212.pdf](https://www.dds.ca.gov/wp-content/uploads/2019/02/HCBS_WaiverPrimerPolicy_20190212.pdf)

**Q9. Puas yog kuv tus menyuam uas tau pom zoo ib ntus rau kev pab cuam Lanterman Act tsim nyog txais kev pab uas suav nws tus kheej xwb (institutional deeming)?**

A9. Yog hais tias tus me nyuam muaj raws li cov txheej txheem uas yuav tsum tau muaj nyob rau hauv 1915 (c) Home and Community-Based Waiver tau hais nyob rau hauv nqe lus nug #8, ces lawv yuav tsim nyog rau kev pab uas suav nws tus kheej xwb.

**Q10. Yog tias kuv tus menyuam tau txais kev pom zoo rau Lanterman Act ib ntus, lawv puas tsim nyog tau txais kev pab cuam los ntawm Kev Txiaiv Txim Rau Tus Kheej (SDP) thiab?**

A10. Tsis yog, cov menyuam yaus uas tau pom zoo txais kev pab cuam Lanterman Act tsis muaj npe rau SDP. Ib tus neeg yuav tsum ua raws li txhooj cai hauv Welfare and Institutions (W&I) Code hais, Section 4685.8(d)(1) los ua ib feem ntawm Txoj Kev Pab Cuam SDP, uas suav nrog kev kuaj pom kev tsis taus raws li tau teev tseg.

**Q11. Kuv tus menyuam tau txais cov kev pab cuam hauv cheeb tsam raws li kev pab cuam Lanterman Act ib ntus. Yuav ua li cas thaum lawv muaj 5 xyoos lawm?**

A11. Cov chaw hauj lwm hauv cheeb tsam yuav tsum tau tuaj kuaj koj tus menyuam yam tsawg kawg 90 hnuv ua ntej muaj hnuv nyoog tsib xyoos los txiaiv txim seb lawv puas tsim nyog rau cov kev pab cuam hauv cheeb tsam txuas ntxiv tom qab hnuv nyoog 5 xyoos. Qhov kev ntsuas ntawd yuav txiaiv txim seb koj tus menyuam puas muaj kev xiam oob qhab rau lub cev raws li tau hais hauv Welfare and Institutions Code Section 4512 (a)(1). Yog lub chaw hauj lwm hauv cheeb tsam tau txiaiv txim tias koj tus menyuam tsis muaj kev xiam oob qhab, cov kev pab cuam yuav xaus rau thaum nws muaj hnuv nyoog 5 xyoos.

**Q12. Kuv tus menyuam tau txais kev pab cuam Lanterman Act raws li kev tsim nyog tau txais kev pab cuam ib ntus thiab yuav muaj hnuv nyoog 5 xyoos hauv tsawg dua 90 hnuv tom ntej no, tab sis lawv tsis tau tiv tauj kuv txog qhov kev ntsuam xyuas ntawd. Kuv yuav ua li cas?**

A12. Hu rau koj tus menyuam tus kws saib xyuas kev pab cuam.

**Q13. Dab tsi yog qhov txawv ntawm kev tsim nyog rau Lanterman Act Services thiab kev tsim nyog rau kev pab cuam Lanterman Act Services ib ntus?**

A13. [Kev tsim nyog ib ntus yog txwv sijhawm, mus txog rau tus menyuam hnuv nyoog 5 xyoos, kev pab Lanterman Act tsis muaj qhov txwv.](#) Cov kev tsim nyog sib txawv. Tsis muaj qhov sib txawv ntawm cov kev pab rau tus menyuam, txawm li cas los xij cov kev pab cuam uas tus menyuam tau txais yog raws li lawv cheem tsum. Cov kev pab cuam no yuav muab piav qhia hauv tus menyuam phau IFSP lossis IPP.

**Q14. Kuv tus menyuam puas txais tau cov kev pab cuam ib ntus txawm tias lawv tsis tau txais kev pab cuam los ntawm Early Start?**

A14. Yog lawm, cov menyuam yaus uas raug xa mus rau lub chaw hauj lwm hauv cheeb tsam thaum lawv muaj hnuv nyoog 3 thiab 4 xyoo uas tsis tau txais cov kev pab cuam Early Start ua ntej muaj hnuv nyoog 3 xyoos ces kuj tsim nyog tau txais cov kev pab cuam Lanterman Act ib ntus mus txog thaum nws muaj 5 xyoos yog tias nws tseev muaj raws li qhov tsim nyog. Thov hu rau koj lub chaw haujlwm hauv cheeb tsam yog xav paub ntxiv:

<https://www.dds.ca.gov/rc/listings/>.

